


کربد لہائی اسلامیه ی محبائی منفقہ مخصوص

سید محمد علی بن محمد بن محمد

نسخہ فوق العادہ سی



معارف نظارت جلیله سنک فی ۲۶ صفر سنہ ۱۳۱۵ و فی ۱۵ تموز سنہ ۱۳۱۳ تاریخ
و ۴۳ نومرو لی رخصتنامہ سی حائزدر

استانبول

(محمود بك) مطبعہ سی — باب عالی ہوارندہ ابوالعزیز جادو سنہ نومرد ۷۲

۱۳۱۵

طرفلرینه قدر امتداد ایلین و غیر قابل تعداد
کواکب ایله مملو بولان فضای غیر محدودی پیش
انظار حیرتمزه قویمشدر .

بدهات ، او وسعت بی پایانک هر طرفنده
عرض چهره علویت ایلیمشدر .

هیئت خلقت ، یالکیز ساکن اولدیغمزکره دن
عبارت اولیوب بو یووارلق بالعکس هیئت کائنات
میاننده نهایت درجه ده کوچک برپارچه دن ، همان
همان بلیرسنز برتکرلکدن بشقه برشی دکلدرا !
سیاره مزک اطرافنده ، اعماق فضا ده برچوق
کریوات مسکونه دور ایلیمکده در .

بزمکینه نظیر میلیونلرجه منظومات شمسیه
او وسعت عمیقہ دروننده جولان ایتیمکده در !

کواکب نه ثابت ، نه لایتغیردر . بونلرک
جمله سی سهارلر ایچینده غیر قابل تصور برسرعتله
اوچار ، سیر ایدرلر .

بونلر دائره انتظاملرنده کندیلمرینی تعجیز
ایدن سیاراتک رفاقتنده و بناءً علیه هر بری بزم
شمسزمز کبی برر شمس اولوب اقطار کائناته
حیاتلر نثار ایدن شعاعات منیره نشر ایتیمکده در .
ارض ، بو حیرتفزا هیئت علویه میاننده

غائب اولمش بر نقطه دن بشقه برشی اولدینی کبی
جمعیت بشریه دخی اوسماوی اقامتگاهلرده مسکون
اولان حدسنز ، پایانسز عائله لردن بریدر !

عوالمک جولانکاهی اولان فضا دن بشقه بر سما
یوقدر .

بزده زهره ویا مشتریده موجود اولدینی
فرض ایدیلن مخلوقات کبی او فضا نلک اورته
یرنده یز .

بناءً علیه شمسیه قدر هیئت خلقتک ،

« نفس » کلمه سی ظرف اولدینی و نفسده ایسه
ماهیات مرکبه ارتسام ایدمه جکی ایچون بوتعریفک
جزئیاته مخصوص و بناءً علیه افرادینی غیر جامع
برتعریف اولدینی ثابت اولور .

علمامن نزدنده حکم نلک تعریف اولیسی ده
صاغلام برتعریف دکلدرا . زیرا بوتعریفک ایچنده
ذکر ایلدکاری « شی » لفظی ظنه ، جهله ، تقلیده ،
حتی شک ، وهمه دخی شامل اولوب بونلرک ذهنده
حاصل اولان صورتلرینه « علم » تسمیه سی ایسه
هم لغته ، هم عرفه ، هم ده شرعه مخالفدر . واقعا
اصطلاحده نزاع اولیوب هرکس استه دیک شیئی
اصطلاح ایدمه بلیر ایسه ده بین الجهور مشهور
ومعروف اولان اموره موافقته رعایت شبهه یوقکه
اولی والیقدر .

موسی کاظم

مباحث هیئیه مدخلی

علم هیئتک اهمیت

علم هیئت ، هم کائنات مادیه و حیاتییه ، هم
عوالم و موجوداته ، هم فضا و زمانه شامل بر فن
جلیل القدردر .

بوفن عالی ، خوارق خلقت کائناتی نظر مزدن
کیزلین ستره عتیقه یی بیرته رق ، بزم بتون کره
ارضک اطرافنی احاطه ایتمش اولان ساحه فسیحه
نامتناهی ایچنده جولان ایدن عوالم فوق العوالمی ،
شموس فوق الشموسی ارائه ایتمش ، ذکای بشرک
احاطه دن عاجز قاله جنی صووک افق لرک اوته

يوق ، يوق ! .. بو قدرله ده اکتفا ايتمک
اربابي ايجون موجب شين اولسه کر کدر .
بو حقایق نشر ایتمک ، لسان مناسبله هر کسه
آکلاتمق واجبه ذمتزددر .

الله ايجون اولسون ، علم هیئتک علو قدرینی
دوشونهلم :

اگر جدآ شایان مطالعه بر فن وار ایسه
اوده علم هیئتدر . زیرا بو فن عادتاً مجموعه
کائناتدر .

علم هیئت هر شیئی در آغوش ایدر ؛ نظری
کائناتک هر گوشه سینه نافذدر ؛ حدودندن خارج
هیچ بر فن یوقدر .

نرمده بولنیورز ؟ نه اوزرنده یورییورز ؟
هانکی محله یاشایورز ؟ ارض نه در ؟ فضای
نامتناهیده هانکی موقعی اشغال ایدیورز ؟ نرمه دن
کلوب نرمه کیدیورز ؟

اگر علم هیئت اولماسیدی ، بو سؤالره کیم
جواب ویرر ایدی ؟

او سؤاللرکه ، جوابلرینک تدارکی انسانیتک
وظیفه اصلیه سیدر .

علم هیئت هر شیدن بشقه ، تاریخ فنونده
بر دور مخصوص حاصل ایدن تحولات اساسیه یی
دخی احتوا ایلر .

تماشاخانه کائنات ، افکار حیرتزدده من اوکنده
هر بار تبدیل شکل و صورت ایدیور ؛ اعماق سماده
لیالی متوالیه نک ظلمتلری ایچنده ساکتانه دور
ایدن اجرام آرتق غیر حساس یووارلاقلردن
عبارت عد اولنه ماز .

بونلر حیات ، همده ابدی ، وسیع برر
حیاتدرکه ، دائماً فرار ایدن غیر قابل الوصول

کره ارضک ، سمانک اعماقده طولاشمش اولان
افکارک آرتق کلیاً متبدل اولمی افضا ایدر .
چونکه شمس باشلر من اوزرنده بارل بارل
بارلامقده در .

چونکه مظلم ستره سی آلتنده اعصار سالفه یی
اورتمش اولان لیلہ یلدا آرتق ختام پذیر اولمش ،
بر روز روشن حکم سورمکه باشلامشدر !
هیچ شبهه یوقدرکه ، اوچ عصر قدر مقدم
اساس حقیقه سی عادناغالیله طرفدن وضع ایدلمش
اولان و صوگ مقصدینه طوغری خطوه انداز
اولقده بولنان علم هیئتک مزایای عالیه سینه واقف
اولانلر بو کون اندر کیدر .

حالا بر طاقم آدملر ، باشلر من اوزرنده کی
قبه مینافامک ارض اوزرینه کریمش بر چادردن
عبارت اولدیغنه قائل اولوب هیچ کیمسه علم هیئتک
ترقیاتی سایه سنده یکدیگرینه اولان مسافلری ،
سرعت حرکتلری کشف ایدلمش بولنان کواکبک ،
سیاراتک فضا ایچنده دوار برر جهان اولدقلرینی
تصدیق ایتمه مکده در !

صد هزار ناسف که بو انسانلر فن جلیل
القدر هیئتک حل ایدرک آغوش جمعیت بشریه
آتدینی سماوی معمارله قارشى کوز یومقمده ، کره
ارض ایله سیارات و فضا آره سنده کی مناسبات
مکشوفه یی اراجیف قیلندن اولمق اوزره تلقی
ایلمکده درلر !

نه ضرری وار ؟ بی فائده اوله رق دونمکده
بولنان بر طاقم یووارلاقلردن عبارت ظن ایدیان
بو عوالمک بوکون ترازوی فله وزن اولتمش معدن
کتله لری ، طاغلی ، نهرلی ، کوللی دنیالر اولدیغنه
وارسون عوام اینانماسون .

اربابی بونی بیلیریا ، کافیدر !

بیگلرجه سنه لردن بری عالم انسانیت ارضک
طبیعتی، فضای نامتناهیده کی موقع حقیقتی و کائناتک
مشکلات عمومی سنی یا گش آکلامش، آلدانمشدر.
هیئت اولماسه ایدی بو کون دخی آلدانمده
دوام ایدیلیردی.

الحاصل علم هیئت هر فنک مافوقنده بر علم
جلیل القدر اولمسیله تحصیل و مطالعاتی لزوم
قطعی تحتنده در دیه یلیرز.

بو حکمزه کیمسه نك معترض چیقمايه جفنه
ایسه امنیت بر کالدر.

علی

اشعار

قطعات

جوشش در یای عشق چشم کریانمده در
شمی صد موج بلا هر نار مژگانمده در
بیک حیات خضره اتم نیم خند التفات
نوک شمشر غمک ناکم رک جانمده در

* *

هزار گونه نقوش شئون ایدر اظهار
عجب غریبه نما در بو کارخانه صنع
جمال خالقه دلبند رؤیت اول حکمت!
نه در بو دغدغه برغم فسانه صنع

* *

ظن ایتمه ساده خلقت انسانده اختلاف
جاری سراسر عالم امکانده اختلاف
تفتیش اولنسه نمحه آثاری هر کسک
معلوم اولور مراتب اخوانده اختلاف

* *

سنان غمکه کوکل جرح اولغسون یوقسه
ایدر نوازش ایله صاعقه التیام قبول

آفاق لایتناهی به قدر بر آهنگ نام ایچنده امتداد
ایدر.

نه نتایج عجبیه ! نه شایان تماشا شمشعه !
نه دورانلره سزاوار مطمن جولانگاهلر !
نه دلپسند لوحلر !

فن کواکب، عددی قلیل ارباب وقوفه
مخصوص بر سرخفی اولمقدن مبرادر؛ بو علم هر
دماغه نفوذ ایدر؛ طبیعتی تنویر ایلر.

کذا، تحصیل ایدلمزسه انسانک هیئت مجموعه
کائنات آرمسینده اشغال ایتدیکی موقعک دائما
جاهلی قاله جفنی، هیچ اولمازسه مبادیسی اولون
اوکرمک هر درلو تدریسات جدیه ایچون الزم
اولدینگی ارئه ایدر؛ نهایت بر حقیقت عمومی
حالی آلورکه، ایوم هر کس حقیقتی آکلامق
احتیاجنده در.

علم هیئتک میدان علانیه وضع ایلدیکی حقا -
یقین برنجیسی و بزم ایچون غایت مهم و هر شیدن
مقدم نظر دقتی جالب اولان نقطه ساکن
اولدیغمز سیارمک شکلنه، جسمانته، ثقلته،
موقعیه حرکاته دائر بولان معلوماتدر.

ایوم فضاتک مطالعاتی اولا ارضک اوکر -
نلمسیله ممکن اوله بیلیمکده در. زیرا، هیئت قدیمی
تأسیس ایدن شی سیارمک فضا ده کی موقعی
و حرکاتی اولدینگی کبی هیئت جدیدی توسیع ایدن
شی دخی اولاباده کی معلوماتک تزیایدیه برابر صحت
قطعیه کسب ایتمه سیدر.

رصدا ت ایله آکلاشلمشدرکه، مرکز عالم
اولمقدن اوزاق بولان کره ارض، دائما قاچان
بر نتیجه به متوجهاً فضا ده کمال سرعتله دورایتمکده،
سطحنده مستور اولان انسانی بعد مجردک واسع
جولانگاهلری ایچنده سور و کله مکده در !